

Inatsisartut aalajangiiffigisassaattut siunnersuut Naalakkersuisut peqquneqassasut nalunaarusiamik sanassasut, innuttaasut kræftimik suussusersineqarnikunut imaluunniit nappaat inuunermik ulorianartorsiortitsisinnaasumik peqaraanni aningaasatigut toqqissisimanissamik qanoq qulakkeerinniffigisinnaanerigut.

Nalunaarusiaq nappaammik eqqugaasut aningaasatigut eqqugaanermi misigisimasaannik imaqassaaq aammattaaq nappaammik eqqugaasimasup ilaquataasullu aningaasatigut ikiorserneqarnissaanik periarfissaasa maleruagassaanni aporfiusut periarfissaasullu. Nalunaarusiaq UPA 2023 paalitsinnagu Inatsisartunut tunioranneqareersimassaaq.

Inatsisartunut ilaasortamit Nivi Olsen-imit saqqummiunneqartoq, Demokraattit

pillugu

Ilaqtariinnermut Peqqissutsimullu Ataatsimiititaliap

siunnersuutit aappassaaneerreqarnerannut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq
Inatsisartunut ilaasortaq Anna Wangenheim, Demokraattit, siulittaasup tullia
Inatsisartunut ilaasortaq Mikivsuk Thomassen, Inuit Ataqtigiit
Inatsisartunut ilaasortaq Eqaluk Høegh, Inuit Ataqtigiit
Inatsisartunut ilaasortaq Mala Høy Kúko, Siumut
Inatsisartunut ilaasortaq Aslak W. Jensen, Siumut
Inatsisartunut ilaasortaq Emanuel Núko, Naleraq

UPA2022-imi 4. maj siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Innuttaasut kræfteqarlutik paasineqartut imaluunniit allamik inuunermik ulorianartorsiortitsisumik nappaateqartut aningaasatigut atugaasa pitsaanerulernissaat qulakkeerniarlugu periarfissanik misissuisoqarnissaa siunnersuummi siunertarineqarpoq. Pingaartumik innuttaasut nappaammik eqqugaasut misigisartagaat suliaqarnermi ilanngunneqassasut siunnersuuteqartup kissaatigaa.

2. Siunnersuutip Inatsisartunit siullermeerneqarnera

imm. 23. suliffissarsiornermut ikiorsiissutit pillugit Inatsisartut inatsisaat aamma imm. 24. pisortanit ikiorsiissutit pillugit Inatsisartut inatsisaat pineqarput. Taamaattoq taamaaliornikkut inatsisissatut siunnersuummi pineqartut siunnersuummi matumani qulaajarneqarsinnaanerit Naalakkersuisut ammaffigaat.

3. Naalakkersuisumut allakkatigut apeqquteqaatit

Ataatsimiititaliaq suliaqarnerminut atatillugu maannakkut malittarisassanut nassuiaatillu imarisassanut tunngatillugu apeqqutinik arlalinnik nassiussaqarpoq. Apeqqutinut akissuteqaat isumaliutissiisummut ilanngussatut ilanngunneqarpoq.

4. Siunnersuutip aningaasatigut kingunerisassai

Inatsisartut suleriaasianni §33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuummut tunngavilersuutitut allanneqassasut.

Aningaasatigut kingunerisassai siunnersuummut naapertuuttut siunnersuutip piviusunngortinneqarnerani A/C-p ukiup affaanut sulineratut 500.000 kr-inik akeqassasoq ataatsimiititaliap maluginiarpa.

5. Ataatsimiititaliap siunnersuutininik sularinninera

Naalakkersuisup akissuteqaammuni maanna malittarisassaat inuillu pinartumik toqussutaasinnaasunik nappaatillit periarfissaat (ilanngussat innersuussutigineqarput) nassuiaatigai. Tassani allassimavoq, suliffissarsiortunut ikiorsiissutinik imaluunniit pisortanit ikiorsiissutinik pisartagalinnut immikkut meeqqanut tapinik tunniussinissamut inatsisitigut tunngavissaqanngitsoq, immikkulli pisoqartillugu pisariaqartinneqartut naapertorlugit ilaqtariinni pilersuineq attatiinnarumallugu ikiorsiisoqarsinnaalluni. Taamaattumik ilaqtariit meerartallit taakku nappaataasa ilungersunartumik suussusersineqartunut/pinartumik toqussutaasinnaasunik nappaatillit ilungersunartumik eqqorneqartartut ataatsimiititaliaq naliliivoq.


Napparsimasup misigisai aammalu isiginnittariaasai nassuiaammi ilanngunneqarsinnaanersut qulaajaasoqarnissaanik ataatsimiititaliamit aamma soqutigineqarpoq. Taannartaa suliakkiutaasussami ilaalerumaarpoq napparsimasullu pillugit nassuiaammi ilanngunneqarnissaat naatsorsuutigineqarpoq. Aammattaaq akissuteqaammi allassimavoq, napparsimasoq nappaatip erumassutaasup qaavatigut, soorlu assersuutigalugu nalinginnaasumik pilersuisussaanermut, ineqarniarnermut, nerisassanut atisassanullu erumassuteqarnermut nukini atussanngikkai. Inuit namminneq pigisaminnik inigisallit namminneq aningaasartuutitut matussusiiniartariaqartarput, soorlu ilaatigut taarsigassarsianik akilersuinerimikkut.

Nalunaarusiaq pilersaarusiornissamut sullinniakkanullu taakkununga unammilligassat pitsanngorsarniarlugit suliniutitut tunngatillugu alloriarnerusoq pingaarutilik ataatsimiititaliaq isumaqarpoq.


6. Ataatsimiititaliap inassuteqaatai

- Ataatsimiititaliap isumaqatigiittup siunnersuutip akuerineqarnissaa inassutigaa
- Suliap ingerlanera pillugu ataatsimiititaliap ilisimatinneqartarnissaa ataatsimiititaliap kaammattuutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.




Hans Peter Poulsen
Siulittaasoq




Anna Wangenheim
Siulittaasup tullia



Mikivuk Thomassen



Eqaq Høegh



Mala Høy Kúko



Aslak W. Jensen



Emanuel Nûko



Ilaqtariinnermut Peqqissutsimullu Ataatsimiititaliaq
Inatsisartut

17-05-2022
Sags nr. 2022 - 7794
Akt. id. 20151903

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

UPA2022/76-imut ataatsimiititaliami suliaqarnermut atatillugu Ilaqtariinnermut Peqqissutsimullu Ataatsimiititaliamit apeqqutinut akissuteqaatit.

Asasara Ilaqtariinnermut Peqqissutsimullu Ataatsimiititaliaq

UPA2022/76-imut ataatsimiititaliami suliaqarnermmut atatillugu apeqquteqaatinut akissuteqarnissamut periarfissinneqarama Ilaqtariinnermut Peqqissutsimullu Ataatsimiititaliaq qujaffiginiarpara.

Apeqqutit kingornalu akissutaat tamarmiutillugit allanneqarput.

1. Napparsimasoqartillugu, isumaginninnikkut tunniuttakkat, aapparisaq/inooqatigisaq isertissinnaasaanut malittarisassat meeqqanullu tunngatillugu malittarisassat pillugit Naalakkersuisumut nassuiaqquneqarput?

Akissut: Malittarisassat maannakkut atuuttut malillugit akissarsiaqartoq napparsimaneq pissutigalugu suliffissaarukkuni suliffissaaleqisunut ikorsiissutinik pisartagaqarsinnaavoq. Suliffissaaleqisunut ikorsiissutinik pisartagaqartilluni aapparisaq isertitaanut ilanngaassisoqarneq ajorpoq.

Inuit allat, napparsimaneq pissutigalugu isertitanik annaasaqartut, sulinerminni isumaqatigiissut iluaqutigalugu ikorsiissutinik imaluunniit periarfissaq kingullertut pisortanit ikorsiissutinik pissarsinissamut innersuunneqarput.

Inuit taakku pisortanit ikorsiissutinik pisartagaqartut aapparisaq isertitai tunngavigalugit ilanngaanneqassapput, isumaginninnikkut ikorsiissutit saniatigut.

Suliffissarsiortunut ikorsiissutinik imaluunniit pisortanit ikorsiissutinik pisartagaqartunut immikkut meeqqat tapiinik pissarsinissamut inatsisitigut tunngavissaqanngilaq. Taamaattoq pisortanit ikorsiissutinut atatillugu ilaqtariit pilersorneqarsinnaanerata attanniarlugu pisariaqarpat ikorsiissuteqartoqartarpoq.

2. Maannangaaq pitsanngorsaanissamut aaqqiissuteqarnissamullu periarfissagissaartunik Naalakkersuisoq taksuaqarsinnaava, matumani napparsimasut sulisinnaajunnaarsimatillugit akiligassaminnik malinnaaniarnermini ajornartorsiuteqalertillugit?



Akissut: Naalakkersuisut suliffissarsiortunut ikiorsiissutit pillugit aamma pisortanit ikiorsiissutit pillugit Inatsisartut inatsisissaattut siunnersuutinin saqqummiussa qarput, taakkulu inunnut napparsimaneq pissutigalugu suliffissaaruttunut ikiorsiissutinik pisartagaqalernissamut periarfissanik malunnaatilimmik pitsanngoriartitsipput.

3. Nappaammik eqqugaasup aningaasatigut ajornartorsiuteqalersimanera pillugu ilisimasanik peqartoqarneranik Naalakkersuisoq ilisimasaqarpa? Napparsimasut periarfissaat aningaasaqarnikkullu ajornartorsiutaat aaqqinniarlugit pillugit qanoq Naalakkersuisup nalunaarusiami qulakkeerniarpai?

Akissut: Naalakkersuisoq ilisimasaqanngilaq nappaammik eqqugaasup aningaasatigut ajornartorsiuteqalernera pillugu nassuiaatinik imaluunniit nalunaarusianik peqartoqarneranik. Kisianni Pisortanit ikiorsiissutit pillugit iluarsaaqqinnermut sulinermut atatillugu VIVE nalunaarusiamik suliaqarpoq "Pisortanit ikiorsiisarneq pillugu misissueqqissaarneq" nappaammik eqqugaasup ikiorsiissutinik pisartagaqarsinnaanera pillugu nassuiaasoq, kisianni nappaammik eqqugaasup aningaasaqarnikkut ajornartorsiorterata kingunissai pinnagit.

Misissueqqissaarnissamut tunngavissamik suliarisassat allassimaffianik suliaqartoqartariaqarpoq. Suliarisassat allassimaffianik peqalerpat nassuiaammik suliaqarnermut atugassamik ersarinnerusumik periusissaq toqqaneqarumaarpoq. Taamaattumik nappaammik eqqugaasup qanoq periarfissai inaarutaasumik nassuiaammi ilaatinniarneqarnersut inaarutaasumik akissuteqartoqarsinnaanngilaq, kisianni nappaammik eqqugaasut nassuiaammik suliaqarnermi ilanngunneqarumaarput.

4. Naalakkersuisup akissuteqaataani allassimavoq nappaammik eqqorneqartut namminnek angerlarsimaffimmiiginnartassasut (qupp. siulleq oqaaseqatigiit kingulliit)- oqaaseqatigiit taakku itisileqquneqarput?

Akissut: Nappaammik eqqugaasup nappaatip ingerlaneranik pitsaanerpaamik ukkatarinnissinnaavoq, eqqasuutaasinnaasunik allanik soqanngippat, ilanngullugit, napparsimanagerup nalaani angerlasimaffeqaannarnissaq. Taamaattumik pingaaruteqarpoq, nappaammik eqqugaasoq ikiorsiissutinik pisartagarisassaata aningaasartuutit tunngaviusut matussusersinnaaneranik isumannaatsumik misigisaqarsinnaanera. Taamaattoq nammineq angerlarsimaffeqarnermut atatillugu nappaammik eqqugaasup nammineq aningaaserivimmik, taarsigassarsitsisarimmik il.il. isumaqatigiissusiornissamik pisariaqartitsisoqarsinnaavoq, nappaateqarnerup nalaani pisortanit (imaluunniit namminersortunit) ikiorsiissutinik, soorlu taarsigassarsianik akiliisarnert matussuserneqarsinnaanngippata.

5. Naalakkersuisup toqqissisimaneq qanoq nassuiarsinnaavaa aammalu nalunaarusiami toqqissisimaneq qanoq uuttuutit atorneqassamaarpa?

Akissut: Toqqissisimaneremut atatillugu imaappoq nappaammik eqqugaasoq assersuutigalugu nalinginnaasumik pilersuineremut, soorlu ineqarneq, nerisassat atisallu, eqqasuuteqartariaqanngitsoq.

Toqqissisimanagerup naliliiffiqineqarnissaa inummut ataatsimut tunngassuteqarmat qanoq naleqartissanersoq nassuiaammi periusissaq tigussaasoq apeqqutaassaaq. Toqqissisimaneq nassuiaanermi pitsaassutsimut tunngasuni atorneqarsinnaassaaq, kisianni maannakuugallartoq "toqqissisimaneq" nassuiaammi uuttuutit qanoq atorneqarsinnaanersoq tigussaasumik naliliiffiqineqarsinnaanngilaq.



6. Sammineqartumut attuumassuteqartunik allanik Naalakkersuisoq paasissutissiisinnaava?

Akissut: Naalakkersuisup UPA2022/23-mut UPA2022/24-mullu tunngatillugu malugeqquaa, sivisunerusumik napparsimasoqartillugu isumaginninnermi ikiorsiissutinik pisartagaqarnissamut marluullutik periarfissiisut. Napparsimanermet atatillugu ingammik akissarsiakinnerpaat inuillu atugarliortut isumaginninnermi ikiorsiissutinik pisartagaqarsinnaapput, kisianni aamma namminersortut sivisunerusumik napparsimatillutik suliffissarsiortunut ikiorsiissutinik pisartagaqarnissamut qinnuteqarsinnaapput, ajornerpaamilluunniit pisortanit ikiorsiissutinik, taamaalillunilu aningaasartuutitut pilersuineremullu ataavartumik akiliinissamut periarfissaqarluni.

Tassunga ilanngullugu inuit amerlasuut, isumaqatigiissut malillugu atorfeqartut, napparsimasoqartillugu pisortaqaqarni inuussutissarsiortunilu namminersortuni akissarsiaat ullormusiaalluunniit qulakkeerneqartarput.

Inussiarnersumik inuulluaqqusillunga

Jess Svane